

# КИРОВЕЦ

Тыловой ВКП(б) Райкомлэн но Райисполкомлэн органы

9 августэ 1937 арын

№ 60

3-тй арзэ потэ

## Хлебопоставка нырысь быдэстоно уж

Хлебопоставка уже боевой кужымен кутскыса, вакчи дырын быдэстыны луонлык'ёс вань. Куазь шулдыр, кёс улэ, вискарытэк кутсаськыны луоно. Соин чош ик котькин тодэ, что нырысь кутсам юэз ик обинь интымысен ик государстволы сдать кароно.

Колхоз'ёс кутсаськыны кемалась кутскизы ни. Та дырозь хлебопоставкаез уно быдэстыны кулэ нй вал. Озыы но та данлыко политической мероприятияез вунэто. Туннэ нуналлы нбыль—вить колхоз'ёс гинэ хлебопоставка уже кутскизы, соос но кёняке центнер гинэ сдать каризы. „Кировец“ газетын „Пятилетка“ колхозын хлебопоставка ужен антигосударственной практика лэсьто шуса гожтэмын вал. Критикаез основном та колхозэн кивалтисьёс валазы, татын хлебопоставкае кутскизы, районаны хлебопоставкаен „Пятилетка“ колхоз первой квитанция басьтйз. Соин чош ик верано луэ, чтобы та колхоз ас ужзэ эшшо но зол мед пуктоз, вань уж'ёсын азыветлйсь мед луоз.

Хлебопоставка уже „Виль

улон“, „Новый городок“, „Равенство“ колхоз'ёс кутскизы. Та колхоз'ёс но мукет'ёсыз лэсь хлебопоставкаез умой дан'яло. Дыр вуэмын массовой хлебопоставка уже кутскины.

„Кировец“ газет пырты хлебопоставкаен антигосударственной практикаос сярысь гож'ямын нй. Тани, шат та ё в ё л антигосударственной практика? „Красный партизан“ колхоз коркалы быдэ 12—14 пуд нянь люкыса, колхозник'ёс со нянез базаре нуыса вузало. Люкем нянез жынызэ ведомосте уг гожто, лушкем люкемын. Нош государстволы та колхоз одйг килограмм но ёз сёты на. Сыче ик уж'ёс „Большевик“ колхозын но куд-огаз мукет'ёсаз но колхоз'ёсын.

Хлебопоставкае кутскимтэ но антигосударственной практика лэсьтэм'ёс возьмат, что партийной, советской, комсомольской организациос колхозник'ёс пёлын массово-валэктонэз чидантэм ляб нуо. Али быдэстоно уж'ёсы соцсоревновани, стахановской движени тырмыт уг вёлскы, уже уг кутйськы.



## 1-тй номеро квитанци „Пятилетка“ колхоз басьтйз

Государстволы нянь сётон нырысь быдэстоно ужен луэ. Тйни сое дан'яса, 1 номеро квитанциез районын „Пятилетка“ колхоз басьтйз. 7 августэ 4,30 центнер зег государстволы сётйз.

Т. П.

## Массовой уж урод мынэ

Уйвай сельсоветысь „Октябрь“ колхозын Массовой уж урод пуктэмын. Агитатор Максимов аранэз жожен быдэстон вылысь уг ужа. Етйнасьёс доры мынэ но аранлы пумит агитировать каре. Выходной возёно шуэ.

Чирков.

## Пудо вордон лябыт

Бородуль сельсоветысь „Победа“ колхозын пудо вордон уж лябыт пуктэмын. МТФ-ын ваньмыз 22 скалзы. Пудоосты урод утялтэмен кык скаллэн вераоссы сёриськемын. Та колхозын ваньмыз 37 парсьёс вань, соос туж уродэсь, свинаркаос парсьёсты урод судо. Тйни сыче урод сюдэм, утялтэм бордысен парсьёс кулыло нй. Озыы ик вал'ёсты сюдон уж но туж лябыт. Вал'ёс уродэсь, пельпум'ёссы шуккиськылэмын, бурмытон ласянь ужрад уг кудо. Колхозлэн председателез вал'ёсты кулэтэм уж'ёсы кутэ.

Горбушин.

## Никифоровалы райзолэн ответзэ

Али висён дырад колхоз трудодень гожтыны уг быгаты. Сельхозартельлэн уставез'я тыныд колхоз юрттэт сётыны быгатоз.

Шульмин.

## Шельпяков ужыстыз куштэмын

5 августэ 57 номеро поттэм „Кировец“ газетын факт зэмаз. Шельпяков вузкаронэз нарушить каремез понна ужысьтыз куштэмын.

Шулаков.

## Нормаэс мултэсэн быдэс'ясьёс

Ст-Кыч сельсоветысь „Пионэр“ колхозысь Хохрякова Вера 0,12 га интые 0,17 га ара, Хохрякова Мария 0,12 га интые, 15 га ара, Хохряков Степан 0,12 интые 0,14 га ара.

Имени Ленина колхозысь Хохрякова Надежда 60 арес. Со 0,10 га интые 0,15 га ара. Хохрякова Анастасия 0,10 га интые, 0,15 га ара.

Путь Ленина колхозысь Андреева Анна 150 культо интые, 260 культо ара. Андреева Глафира 150 культо интые 260 культо ара. Андреева Ольга но Андреева Васса озы ик 150 культо интые, быдэн 260 культо арало.

„Красное знамя“ колхозысь етин бордын ужасьёс етинэз сортировать карыса ишко, нормаэс кыкпол мултэсэн быдэс'яло. Папулова Наталья 150 культо интые 300 культо етин ишке. Буйских Ефросинья 320 культо етин ишке. Шабалина Мария 315 культо етин ишке. Швецова Александра 300 культо етин ишке. Сидорова Анисья но Демина Ольга быдэн 275 культо етин ишко. „Красное знамя“ колхозысь ик культо керттылоньн Фафонова Ефросинья 640 культо керттэ, Фафонова Таисья 700 культо керттэ. Буйских Ефросинья 760 культо керттэ.

Шудзялуд сельсоветысь „Новый путь“ колхозысь Князева Екатерина кийн 0,12 га ара, Кардапольцева Лидия 0,18 га ара. „Прогресс“ колхозысь Столбова Анна быдэн 255 культо етин ишко.

### Парез урод гыризы

Уйвай сельсоветысь „Октябрь“ колхозын 6 номеро тракторной бригада пар гыроньн урод ужаз. Малы ке шуоно, парез лазег, пась кельтыса гыризы. Тини сыче урод гыремен бусые турын потыз. Та гыремзэс колхоз али ке но принять өз кары на.

Перо.

Сурон сельсоветысь „Общий труд“ колхозысь Чунарев Тимофей 310 культо интые, 600 культо керттэ. Чунарева Анна 450 культо керттэ.

Бородуль сельсоветысь „Победа“ колхозысь Широкова Екатерина кийн ара, нормаэс 0,15 га интые, 0,29 га быдэстэ.

Итинск сельсоветысь „Красная ита“ колхозысь Васильева Елена зег араньн 680 культо керттэ, Васильева Мария 600 культо керттэ, Сидорова Татьяна 379 культо етин ишке, Вахрушева Татьяна 410 культо етин ишке. „Хлебороб“ колхозысь Загуляева Мария 510 культо керттэ. Зюзино сельсоветысь „Борец“ колхозысь Ложкина Мария 400 культо керттэ. Григорьева Наталья 280 культо етин ишке. Тыловой сельсоветысь „1 май“ колхозысь Первушина Дарья араньн нормаэс нуналлы быдэ 0,14 га интые 0,17 га быдэстэ Ардашева П. Н. нуналлы быдэ 0,23—0,24 га ара.

## Андреев азьтэм ужа

В-Кыч сельсоветысь имени Ленина колхозысь Андреев Кирилл колхозын азьтэм ужа. Ужан мылэз потымтэен висисько шуса больницаостй калге. Ячиз Андреев уг висы, токма гинэ арамлэсь пега. Колхозлэсь нарядзэ уг быдэс'я, ужез сорвать каре.

Андреев.

## Газет'ёсыз дыраз уг вутто

Бородуль сельсоветысь „Победа“ колхозэ газет'ёсты дыраз уг вутто. Почтовой отделенилэн начальникез Широков газет басьтисьёсты газетэн дыраз обеспечивать уг кары. Тини одйг газет 22 нунал улыса колхозэ вуиз.

Горбушин.

## Милемлы иворто

„Шудзялуд сельсоветысь „Прогресс“ колхозысь Столбова Евдокия араньн ветлэ, бригадирлэсь уг кылзиськы, куд дыр'я араньн ветлэ ке но, нормаэс уг быдэс'я.

\* \* \*

В.-Четкер сельсоветысь „Кр. поле“ колхозысь Галичанина Александра Степановна ужаны уг ветлы, симулировать карыса улэ. быдэс июль толэзь кустын 8 трудонень гинэ ужаз.

\* \* \*

Тыловой райздравлэн яслиосын но детплощадкаосын инструкторез Пономарева колхоз'ёсты гостролировать карыса ветлэ, но кыче валэктон'ёс яслиослэн кивалтись'ёссылы уг сёты, соос шоры Пономарева лекын кесяське.

\* \* \*

Тыловой сельсоветысь „Столяр“ колхоз зег аранэз 9 августэ быдэстиз. Зег араньн Князева Лукерья пересь мурт нормаэс вискарытэк мултэсэн быдэс'яз. Озы ик колхозын зег кизен кугскиз. Государстволы 4 центнер зег нуэмын.

Князев.

## Ю шеп чыщкисьёсын зол нюрьяськоно

Бородули сельсоветысь „Победа“ колхозысь колхозница Баженова Мария 28 июле колхозлэсь зег шепсэ чышкыса быдэс мешок гуртаз нуиз. Колхоз правлени со ужез шарааз но но кыче ужрад өз куты. Баженова колхозын азьтэм ужа, трос дыр'я саботаж кылдытэ.

Горбушин.

## Мылыз уг поты

В-Кыч сельсоветысь добровольной пожарной дружиналэн начальникез Андреев Яков ужаз ляб кивалэ. Андреев пожарной дружинаосын уг кивалты, член'ёссэ уг тоды. Караул'ёс трос дыре уг луйло, нош Андреев меры принять уг кары.

Андреев.

Ответственный редактор

Н. ХОХРЯКОВ.